

Na osnovu člana 70. stav 1. tačka 2. Statuta Općine Vogošća («Službene novine Kantona Sarajevo», broj: 27/14 – Prečišćen tekst, 14/15 i 9/20) i člana 112. Poslovnika Općinskog vijeća Vogošća («Službene novine Kantona Sarajevo», broj: 27/14 – Prečišćeni tekst, 18/15, 45/15, 10/16, 51/18 i 28/20 Općinsko vijeće Vogošća na sjednici održanoj 25.04.2024. godine donijelo je sljedeći

ZAKLJUČAK

1. Odluka o izmjenama i dopunama Statuta Općine Vogošća upućuje se na javnu raspravu.
2. Javna rasprava će trajati do 10.05.2024. godine.
3. Učesnici u javnoj raspravi su vijećnici, političke partije, klubovi vijećnika i Mjesne zajednice na području općine Vogošća.
4. Prijedlozi i primjedbe, dostavljaju se u pismenoj formi Stručnoj Službi za poslove Općinskog vijeća i Općinskog načelnika koja organizuje i provodi javnu raspravu.
5. Komisija za Statut i propise će razmotriti prijedloge i primjedbe i podnijeti Izvještaj o provedenoj javnoj raspravi i dostaviti prijedlog Odluke na usvajanje.

Broj: 01-04-804/34
Vogošća, 25.04.2024. godine



Na osnovu člana 70. stav 1. tačka 1., člana 134. stav 1 i člana 135. stav 6. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20), Općinsko vijeće Vogošća na sjednici održanoj 25.04.2024. godine, utvrdilo je

Nacrt

ODLUKE O IZMJENAMA I DOPUNAMA STATUTA OPĆINE VOGOŠĆA

Član 1.

U Statutu Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20) u članu 43. stav 2 riječi “Predsjedavajućeg predhodnog saziva” mijenjaju se i glase: “najstariji vijećnik novog saziva”.

U istom članu stav 3 se briše.

Član 2.

Član 46. mijenja se i glasi: “Vijećnik u skladu sa Zakonom i drugim propisima u vršenju vijećničke funkcije ima pravo da bude informisan o pitanjima koja se tiču Dnevnog reda sjednica Općinskog vijeća kao i pitanjima od općeg i javnog interesa, a Općinski načelnik i pomoćnici Općinskog načelnika dužni su da ga prime i pruže mu stručnu pomoć i pojašnjenja”.

Član 3.

U članu 50. iza riječi “Komisije za izbor i imenovanja“, dodaju se riječi “Komisije za Statut i propise i Komisije za Budžet i finansije”.

Član 4.

U članu 53. iza riječi “Ostalih” preostali tekst mijenja se i glasi: “izuzev ukoliko jedan konstitutivni narod čini više od 80% stanovništva prema posljednjem popisu stanovništva u Bosni i Hercegovini”.

Član 5.

U članu 62. stav 1. alineja 10. mijenja se i glasi: “Komisija za provođenje javnog nadmetanja”.

U istom članu alineja 11. “se briše”.

Član 6.

Iza člana 64. dodaje se član 64A. koji glasi: “U cilju ostvarivanja društvene brige za zdravlje na području općine Vogošća osniva se Zdravstveni savjet.

Zdravstveni savjet ima 9 članova uključujući i predsjednika i zamjenika koje imenuje Općinski načelnik na osnovu Javnog poziva na period od 4 godine.

Sva ostala pitanja u vezi sa osnivanjem, nadležnostima, uslovima za imenovanje, strukturom članova i druga pitanja u vezi Zdravstvenog savjeta, u skladu sa Zakonom, uređuju se Odlukom o osnivanju koju donosi Općinsko vijeće.

Član 7.

U članu 70. iza tačke 11. dodaje se tačka 12. koja glasi: „donosi propise o organizaciji i osniva organ uprave“.

U istom članu dosadašnje tačke 12.,13.,14. i 15. postaju tačke 13.,14.,15. i 16.

Član 8.

U članu 71. stav 2. u tački 6. umjesto tačke stavlja se zarez i dodaje tekst: “uz saglasnost Općinskog vijeća“.

Član 9.

U članu 79. dodaju se stavovi 2. i 3. koji glase:

Stav 2: „Općinske službe za upravu osniva Općinsko vijeće posebnom odlukom na prijedlog Općinskog načelnika.“

Stav 3: „Odlukom o osnivanju općinske službe za upravu uređuju se pitanja koja se odnose na naziv, broj, nadležnost, rukovođenje, odgovornost i način rada općinskih službi za upravu.“

Član 10.

U članu 82. u stavu 3. umjesto tačke stavlja se zarez i dodaje tekst: “uz saglasnost Općinskog vijeća“.

Član 11.

U članu 97. stav 2. iza riječi „dvotrećinskom većinom glasova“ umjesto zareza stavlja se tačka, a preostali tekst se briše.

Član 12.

U članu 100. dodaje se stav 2. koji glasi: “U skladu sa potrebama mjesne zajednice mogu se na području mjesne zajednice osnovati i drugi organi mjesne zajednice, što se bliže uređuje Pravilima mjesne zajednice.“

Član 13.

U članu 103. stav 1. alineja 8. mijenja se i glasi: “donosi program i plana rada mjesne zajednice, na koje saglasnost daje Općinsko vijeće“.

U istom članu u alineji 10. iza riječi „putem nadležne službe“ umjesto zareza stavlja se tačka, a preostali tekst se briše.

Član 14.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-02-804/24
Vogošća, 25.04.2024. godine



OBRAZLOŽENJE

Pravni osnov za donošenje Odluke o izmjenama i dopunama Statuta Općine Vogošća je:

- Član 70. stav 1. tačka 1. Statuta Općine Vogošća („Službene novine Kantona Sarajevo“ broj: 27/14 – Prečišćeni tekst, 14/15 i 9/20) koji glasi: „Općinsko vijeće nadležno je da donosi Statut Općine“.
- Član 135. stav 6. Statuta Općine Vogošća („Službene novine Kantona Sarajevo“ broj: 27/14 – Prečišćeni tekst, 14/15 i 9/20) koji glasi: „Izmjene i dopune Statuta Općine Vogošća vrše se Odlukom Općinskog vijeća“.

Nadležnost Komisije za Statut i propise je propisana članom 42. stav 1(b) Poslovnika Općinskog vijeća („Službene novine Kantona Sarajevo“ broj: 27/14- Prečišćeni tekst, 18/15, 45/15, 10/16, 51/18 i 28/20): „priprema tekst nacrti i prijedloga Statuta i Poslovnika i njihovih izmjena i dopuna“.

Odlukom o izmjenama i dopunama Statuta Općine Vogošća definisana su sljedeća pitanja:

- Sazivanje i predsjedavanje prvom konstituirajućom sjednicom Općinskog vijeća (član 1)
- Pravo vijećnika Općinskog vijeća usklađeno sa propisima (član 2)
- Dvije Komisije koje se biraju i imenuju na konstituirajućoj sjednici Općinskog vijeća
- Izbor Predsjedavajućeg Općinskog vijeća u skladu sa amandmanom XXXVIII na Ustav Kantona Sarajevo kad predsjedavajući i općinski načelnik mogu, a kad ne mogu biti iz reda istog konstitutivnog naroda odnosno iz reda Ostalih izuzev u onim općinama u kojima jedan konstitutivni narod čini više od 80% stanovnika, prema posljednjem popisu stanovništva u Bosni i Hercegovini (član 4)
- Definisanje komisija Općinskog vijeća u skladu sa izmjenom propisa (član 5) - Uredba o izradi strateškog dokumenta u Federaciji BiH i Zakon o stvarnim pravima.
- Definisanje pitanja Zdravstvenog savjeta na području općine Vogošća u skladu sa Zakonom o zdravstvenoj zaštiti (član 6)
- Definisanje osnivanja Općinskog organa i Pravilnika o unutrašnjoj organizaciji Jedinственог općinskog organa u skladu sa Zakonom o organizaciji organa uprave u FBiH i presudom Ustavnog suda FBiH (član 7, 8, 9 i 10.)
- Donošenje Pravila MZ, definisanje mogućnosti osnivanja novih organa MZ i nadležnosti Savjeta MZ (član 11,12, i 13.)
- Za realizaciju ove Odluke nisu potrebna finansijska sredstva.